

五十三

白氏文集



三十三
之五

白氏文集卷第三十三

中書制誥三入舊體凡二十八道

冊新廻鶻可汗文

冊廻鶻可汗加號文

韋綬從右丞授禮部尚書薛放從工部

王侍郎授刑部侍郎丁公著從給事中

奏授本部侍郎三人同制兼嶺南大夫

李諒除泗州刺史兼團練使當道兵馬

留後兼侍御史賜紫金魚袋張愉可

岳州刺史同制顯紫金魚袋紫會可
裴廩授殿中侍御史制懸對當藍六
裴通除檢校左散騎常侍兼御史大夫
充迴鶻弔祭冊立使制紫對會中
元稹除中書舍人翰林學士賜紫金魚
無袋制可刊紙紙文

孔戣授尚書左丞制

授柳傑等四人官充鄭滑節度推巡制
韓愈等二十九人亡母追贈國郡太夫

授人制

授駱峻太子司議郎梧州刺史賜緋魚
袋兼改名玄休制

劉總弟約等五人並除刺史賜紫男及

姪六人除贊善洗馬衛佐賜緋同制

王元輔可左羽林衛將軍知軍事制

尚書工部侍郎集賢殿學士丁公著可

檢校左散騎常侍越州刺史浙東觀

觀察使制

鄭綱可吏部尚書制

重授李晟通事舍人制

徐登授醴泉令制

王汶加朝散大夫授左贊善大夫致仕

制

元公度授華陰令制

唐州刺史韋彪授王府長史楊歸厚授

唐州刺史劉旻授雅州刺史制

鄭綱烏重胤馬摠劉悟李佑田布薛平

等亡母追封國郡太夫人制

奉議郎殿中侍御史內供奉飛騎尉賜

緋魚袋盧商可劍南西州雲南安撫

判官朝散大夫行開州開江縣令楊

汝士可殿中侍御史內供奉充劍南

西川節度參謀等制

李演贈太子少保制

李諒授壽州刺史薛公幹授泗州刺史

制

柳公綽罷監鐵守本官兵部侍郎制

崔元備張惟素鄭覃陸灑韋弘景賜爵

制

劉納授棣州刺史制

李肇可中散大夫郢州刺史王鎰朗州

刺史溫造可朝散大夫三人同制

冊新迴鶻可汗文

維長慶元年歲次辛丑四月景寅朔二十

一日景戌皇帝若曰唐有天下垂二百載

列聖垂拱八荒即叙舟車之所及日月之

所照威綏仁董罔不響化惟北之氣積厚

而靈靈發象生生爲豪傑義信武烈代爲

名王南西東方亦有君長較雄鬪智莫之

與京國朝已來滌清風澤或効功伐或申

婚媾同和協比以託于今今朕不德祇嗣

大統推義布信以初爲常矧乎柔遠申恩

睦鄰展禮茲惟舊典垂自祖宗虔奉恭行

安敢失墜咨爾九姓迴鶻君登里羅羽錄

沒密施句主錄毗伽可汗地生奇特天賜
勇智英姿所莅雄略所加諸戎雜虜愛畏
柔服風靡山立清寧一方宜人有土受天
百祿時推代嗣實來告予曰予一人實鄰
冊命是用遣使朝議大夫檢校左散騎常
侍兼少府監御史大夫雲騎尉賜紫金魚
袋裴通副使朝議大夫守少府少監兼御
史中丞襲魏國公食邑三千戶賜紫金魚
袋賈隣等持節備物冊爲登里羅羽錄沒
密施句主錄毗伽可汗於戲善必有鄰德
無不答此崇恩禮則彼竭信誠克保大義
永藩中夏昭昭天地實聞斯言

冊迴鶻可汗加號文

維長慶元年歲次辛丑某月朔某日皇帝
若曰北方之強代有君長作殿玄朔賓于
皇唐粵我祖宗錫乃婚媾五聖六紀二邦
一家此無北伐之師彼無南牧之馬兵匣
鋒刃使長子孫叶德保和以至今日咨爾

勅尚書右丞韋綬等朕在東宮時先皇帝垂慈聖之德念予冲蒙選端士通儒使講貫今古自禮樂刑政暨君臣父子之道博我約我日就月將俾予今不至墻面克荷丕訓大揚耿光實綬放公著之力也故朕嗣位未逾時月或自郡邸或自省署徵擢寵用爲丞郎給事官雖超拜職亦俱舉師道光而心愈讓人爵貴而心益恭宜更褒升重酬輔導以綬精粹辨博有先儒之風

可作秩宗以放端明慎重行君子之道可居憲部以公著檢敬規度得有司之體可二冬官於戲貞百工平五刑典三禮皆重任清秩予無愛焉蓋欲表三子道不虛行而明予一人德無不報也綬可禮部尚書放可刑部侍郎公著可工部侍郎餘並如故

李諒除泗州刺史兼團練使當道兵馬留後兼侍御史賜紫金魚袋張愉

初尚可岳州刺史同制銀紫金魚袋紫綬
勅扼淮歷湘之列城曰泗與岳舟車會焉
軍戎屯焉是二郡守則易爲政先是分領
者多會有政歲時罷去長吏數易人必重
困宜擇良二千石救而養之以諒自澄城
長訖尚書郎中間又再爲州牧三宰劇縣
皆苦心卹隱煦嫗及物操刃決滯宥驕有
聲而愉亦學古入仕甚自修飾河西有政
次於諒焉故命愉守岳命諒守泗仍以戎

職留事憲簡章綬一加於諒諒其聽之哉
異日吾將以重官劇職處爾爾安得不副
吾所急用爾所長更宜以難理之郡自試
爾各依前件蓋若也裴廩授殿中侍御史制裴廩
勅某官裴廩貞觀初張行成爲殿中侍御
史糾劾巡察時以爲能朕思弘貞觀之風
故選御史府官亦先其精敏則正者以爾
廩動循道理語必信直勵其志節有類行

成因授厥官無忝吾舉可殿中侍御史
裴通除檢校左散騎常侍兼御史大
夫充廼鶻弔祭冊立使制
勅語曰使於四方不辱君命可謂士矣况
馳輜軒奉璽書稱天子之使以耀焜絕域
者豈容易其選哉少府監裴通溫敬忠實
加之謹敏有言語可任以專對有辯識可
委以便宜屬北方君長來告代嗣求可以
將命展禮申吾哀榮之恩者其任不細頗

難其人擇臣者君而通可使命爲副丞相
而加金貂之貴授冊與節臨軒遣之庶乎
遠而有光華且欲使絕俗殊鄰益敬吾使
也可依前件
元稹除中書舍人翰林學士賜紫金
魚袋制
勅仲尼曰志有之言以足志文以足言言
之無文行而不遠故吾精求雄文達識之
士掌密命立內庭甚難其人爾中吾選尚

書祠部郎中知制誥賜緋魚袋元稹去年
夏拔自祠曹負外試知制誥而能芟繁詞
刻弊句使吾文文章言語與三代同風引之
而成綸綍垂之而爲典訓凡秉筆者莫敢
與汝爭能是用命爾爲中書舍人以司詔
令嘗因暇目前席與語語及時政甚開朕
心是用命爾爲翰林學士以備訪問仍以
章綬寵榮其身一日之中三加新命爾宜
率素履思求圖敬終如初足以報我可中

書舍人翰林學士賜紫金魚袋

孔戣授尚書左丞制

勅漢詔丞相歲舉質直忠厚遜讓者蓋所
以急賢俊扶政教厚風俗也然則退藏踈
賤之士苟有一善尚搜而揚之况任久位
崇才全望重而不致於急官要職者安可
以紀綱庶政而羽儀朝庭焉正議大夫守
右散騎常侍上柱國賜紫金魚袋孔戣自
十年來歷中臺左曹國庠卿寺洎藩守近

侍之職各於其任皆有可稱矧又貞白端
莊淡然自立進無矜滿之色居無墮替之
容求之周行不可多得若戮者宜尚扶政
教厚風俗之選也尚書丞掌決百事樞轄
六曹晉魏已還右卑於左惟有立者可以
糾吏惟無暇者可以律人無以易戮往恭
乃位可尚書左丞散官勲賜如故

授柳傑等四人官充鄭滑節度推巡

書舍制領林學士觀紫金魚袋

勅試太子司議郎柳傑等古者公府得自
選吏屬今仍古制亦命領征鎮者必先禮
聘而後升聞矧鄭滑帥承元輪忠仗順炳
焉有大節於國奉上益下實籍寮案以左
右之而傑等或緣飾詞華或貯畜才行揣
摩思誠以待已知宜展籌謀用光慰薦傑
可謀官充鄭滑節度推官

韓愈等二十九人亡母追贈國郡太
夫人制

勅王者有褒贈之典所以旌往而勸來也
其有淑順之德標表母儀者聖善之訓照
燭子道者又有名高秩尊祿養之不逮者
霜降露濡孝思之罔極者非是典也則何
以顯其教而慰其心焉國子祭酒韓愈母
某氏等蘊德累行積中發外歸于華族生
此哲人爲我蓋臣率由茲訓教有所自恩
不可忘是用啓郡國之封極哀榮之飾嗚
呼歿而無知則已苟有知者則顯揚之孝

追寵之榮可以達昊天而貫幽窅矣往者
來者監予心焉可依前件

授駱峻太子司議郎梧州刺史賜緋

魚袋兼改名玄休制

勅某官駱峻桂林守土臣式方言梧爲要
郡兵後人困乞廉貞吏以撫之又言峻守
道抱器可以起用朕方思良吏以活元元
適副所求即可其奏官寮郡印命服嘉名
四者與之足爲優異峻宜副所舉慎所爲

無以滋章爲聰明無以鹵莽爲高簡勉率
中道往安梧人可梧州刺史聖命州無
劉總弟約等五人並除刺史賜紫男
及姪六人除贊善洗馬衛佐賜緋同
某制總知蘇林等五人並除刺史
勅某官劉約等惟爾先父太師濟經武秉
招爲國元臣鎮陽之役實歿王事茂勲大
節書于旂常惟爾兄司空總象賢纂戎以
續名業納忠于王室振耀其家聲而爾約

等亦能稟守其風忠恭孝友念其義方訓
而不墮居貴介之地而不驕况兼器能皆
可任用授郡符而加命服者五昇朝序而
佐環衛者六朱轡紫綬煥赫相望勲德之
家於斯爲盛嗚呼昔武子有遺愛晉人憐
其子趙季有篤行漢朝寵其弟今以濟之
仗順積善宜鍾慶於子孫以總之輸忠立
愛可延賞於弟姪多與爵祿予無惜焉欲
使天下知爾父兄忠順之若彼而國家報

施之如此可依前件則之矣然而國家時
變百王元輔可左羽林衛將軍知軍事制
勅國家設十二衛猶漢之有南北軍而左
右羽林尤稱親重自諸衛而移鎮者謂之
羨遷左神武將軍王元輔生勲伐之家通
理之事佐戎臨郡率著能名以掌勾陳而
護建章備巡警而嚴羽衛大將軍事假而
行之宜勵初終副茲寵任可依前件
華亦尚書工部侍郎集賢殿學士丁公著

察之可檢校左散騎常侍越州刺史浙東
史大觀察使制

勅古者通守守土刺史按部從宜務簡今
則合之故任日崇而選日重非廉平簡直
兼愷悌之德者曾不足中吾選焉某官丁
公著嘗以學行禮法誨予一人報德圖勞
連加寵擢起曹書殿兼而委之二職增修
三命益敬朕以浙河之左抵于海隅全越
輿廩延袤千里宜得良帥俾之澄清往分

吾憂無出爾右假左貂而帖中憲操郡印
而握兵符勉哉是行佇聞報政可依前件
鄭綱可吏部尚書制
勅天官太宰秩序常尊自昔迄今冠諸卿
首非位望崇盛者不可以處之而朕即位
以來凡命故相領者三矣迨此而四可不
重乎東都留守防禦使檢刑部尚書兼御
史大夫滎陽縣開國公鄭綱有邴吉之寬
裕子產之恭惠合而爲用藩輔四朝故事
遺愛留于官次國之都府半在東周委以
保釐人安吏肅重煩耆德入領冢卿昔魏
用崔琰毛玠典吏曹一時之士以廉節自
勵國朝以宋景李乂掌選部亦能遏絕訛
僞振張紀綱官無古今得人則理吾言及
此欲爾繼之可吏部尚書
宜重授李晟通事舍人制
勅李晟昔管仲云升降揖讓進退閑習臣
不如隰朋今通事舍人近此選也而晟常

中此選善於其職故相導通奏之節宣揚
拜起之儀引而贊之不聞失禮既終喪紀
宜服官常可使束帶曳裾爲吾謁者可通
事舍人徐登投醴泉令制許人阻避言及
勅徐登京兆尹言登前爲涇陽令清廉簡
直奉法愛人請補醴泉再考其績昔子路
理蒲仲尼誨曰愛而恕可以容困溫而斷
可以抑姦今醴泉人與蒲相類宜用此道

往訓養之歲時之間期於報政可醴泉縣
令身宰趙身身志無對不官不年創繼今
實容王汶加朝散大夫授左贊善大夫致
節東仕制來夫是無過不是補風對舍奉
勅王汶善修其身爲時良士善訓其子爲
國憲臣況以時制之年知終請老不加優
秩何厚吾風禮大夫七十而致仕故吾以
朝散贊善二大夫之爵加乎爾身惟秩與
年兩皆得禮以茲退去亦足爲榮可依前

件兩省皆歸心效然去後又為榮下分前
陳靖元公度授華陰令制七爾也封越興
勅元公度吾欲理化萬方故自近始前授
太宗正朔印綬使牧華人翽能副吾此心
選吏責課言公度廉明有守乞宰華陰當
道東西往來先是為邑者多飾厨傳舍奉
賓客以沽名譽而不親吾人爾能革之足
為良宰敬長畏法無慢乃官可華陰縣令
封贈唐州刺史韋彪授王府長史楊歸厚

並授唐州刺史劉旻授雅州刺史制外
勅韋彪等善官人者先考其能然授以事
使輪轅鑿柄各適其用則群職庶政得以
交修今以彪宦久年高勤於為政俾從優
逸入補王宮以歸厚文行器能辱在巴峽
勵精為理績茂課高區區萬州豈盡所用
且移大郡稍展奇才以旻早著戎功通詳
吏事西南物土罔不周知習俗從宜宜守
嚴道分命以職各用所長庶乎咸修乃官

同底于理可依前件西身無平海部八官
吏事鄭綱烏重胤馬摠劉悟李佑田布薛
且述平等亡母追封國郡太夫人制並
勅經曰立身揚名以顯父母孝之終也而
綱等學文武之道以飾厥躬可謂善立身
矣居將相之位以光大其門可謂能揚名
矣夫自家所以刑國本立而後道生必待
我哀榮之恩方成爾始終之孝是用啓封
追號各顯乃親慰後光前孝道備矣可依

前件美答平心勅其其公其榮其恩

大夫奉議郎殿中侍御史內供奉飛騎尉

賜緋魚袋盧商可劔南西川雲南安

撫判官朝散大夫行開州開江縣令

揚汝士可殿中侍御史內供奉充劔

南西川節度參謀四人同制並

勅劔南西川雲南安撫判官奉議郎殿中

侍御史內供奉飛騎尉賜緋魚袋盧商等

士之東髮立身為知己用也無遠邇無逸

勞但問所務者何從者誰耳今蜀之帥潞
之長皆勤於述職妙於揀賢多得其雋材
樂告以善道故以參其選焉或從事有勞
或即戎奔命輟玄黃之著述振銅墨之滯
淹以良士而贊賢侯宜乎多成功而鮮敗
事矣勉思所立各服乃官

李演贈太子少保制

勅夫生立勲勤下以忠事上也歿加褒飾
上以義答下也忠義臻其分哀榮極其恩

而君臣之道全矣故奉天定難功臣開府
儀同三司檢校兵部尚書兼左衛上將軍
御史大夫李演忠信以爲幹義勇以爲器
器與幹合鬱成將材故出長諸侯入統七
葉拊循警衛朕甚賴之方深倚仗遽此淪
謝茲予所以當宁興念廢朝軫懷聞鼙鼓
而長太息者也追崇之命宜有加焉可贈
太子少保

李諒授壽州刺史薛公幹授泗州刺

史制外書既陳史韓公綽對四代陳

勅泗州刺史李諒等詩云愷悌君子人之
父母朕三復斯言往往興嘆安得循吏俾
父母吾人乎吾前命諒爲泗守未即路會
壽守植卒因改諒守壽命公幹守泗諒之
理課前詔詳矣公幹自尚書郎連領二郡
政平法一甚便於人加以有理戎之材可
付留事故輟軍保仍憲秩而兼寵之夫壽
與泗皆郡之大者也諒與公幹皆二千石

之良者也以大郡委良吏不亦宜乎噫諒
無忘澄城之理公幹無替亳城之政則愷
悌之化吾有望於二郡焉諒可壽州刺史
公幹可泗州刺史

柳公綽罷監鐵守本官兵部侍郎制
勅某官柳某昔先皇帝知爾有材元和已
來應用不暇及領擢管漕運之務屬陵寢
郊立之禮財給事集時乃之功宜有轉移
以均勞逸况聞牢籠無遺利課督有常規

今詔刑部尚書播代之亦令守而勿失朕
將興理化先務根本凡百職事悉歸有司
惟茲夏官實掌戎政簡稽調補今方其時
司馬貳卿佐乎邦國是爾本職無忘增修
可守兵部侍郎蓋燧守本官兵部侍郎
公韓崔元備張惟素鄭覃陸灑韋弘景賜
勅崔元備等禮尊重於復土事莫大於慎
終使朕以孝敬之誠獲貢于先帝實賴左

右待從之臣服勤祇事展四體而一心誠
俾予無悔實不敢忘爵不敢愛爾宜疏封
服命而揚之可依前件李綱等以李綱
陳麟劉約授棣州刺史制詰軍事監依陳
勅前齊州刺史兼御史中丞劉約故太保
濟之子太尉總弟也吾常思濟之功總
之忠而嘉約之謹厚累遷至齊州刺史在
官無敗事罷秩有去思念舊錄能宜當寵
用况公侯之後約有通才封域之間棣爲

要郡委之共理誰曰不然可使持節棣州
諸軍事棣州刺史依前御史中丞散官勳
如故而舊制之黜革與數至齊休使史或
齊之李肇可中散大夫郢州刺史王鎰朗
懷南州刺史溫造可朝散大夫三人同制
勅朝請大夫使持節澧州諸軍事澧州刺
史上柱國賜紫金魚袋李肇等乃者李景
儉使酒獲戾而肇等與之會合飲失於檢
慎宜有所懲由是左遷分爲郡守今首坐
者旣復班列緣累者亦當徵還但以長吏
數易其弊頗甚况聞三郡皆有政能人方
便安不宜遷換故吾以采章階級並命而
就加之蓋漢制進爵秩降璽書慰勞良二
千石之旨也爾當是命得不勉哉

白氏文集卷第三十三

白氏文集卷第三十三

白氏文集卷第三十三

白氏文集卷第三十三

白氏文集卷第三十三

白氏文集卷第三十四

中書制誥四
新體文祭文冊文附錄

凡五十道
四代侯官傳

贈劉總太尉冊文
文傳亡父良器贈太

傅良弼可鄭州刺史制
祭錄贈太保同

河北權鹽使檢校刑部郎中裴弘泰可

權知貝州刺史依前權鹽使制
豐將

崔陵可河南尹制
汝州將督師未詳

侯丕可霍立縣尉制
文傳

崔楚臣可兼殿中侍御史制

王庭湊曾祖可贈越州都督祖未怛活

可贈左散騎常侍父昇朝可贈禮部

尚書制對劍對佩將將中樂記泰下

崔群可祕書監分司東都制

董昌齡可許州長史制

柳經李襄並泗州判官制

張諷等四人可兼御史中丞侍御史監

白內察御史同制十四

啖異可滁州長史許志雍可永州司戶

崔行儉可隋州司戶並准赦量移制

程執撫亡父懷信贈太保李佑亡父景

略贈太子少傅栢耆亡父良器贈太

子少保白餘盛亡父孝德贈太保同

制

嚴譽可桂管觀察使制

杜式方可贈禮部尚書制

武昭除石州刺史制

梁希逸除蔚州刺史制史制

盧元勳除隰州刺史制備督租未恒活

楊孝直除滑州長史制可贈禮部

張嘉泰延州長史制

魏玄通除深王府司馬制齋餼太尉同

楊造等亡母追贈縣太君制身器餼太

張植李翱等二十人亡母追贈郡縣夫

人制不可不謂也同只並部錄量懸降

陳中師除太常少卿制乘可衣紙同

衢州刺史鄭群可庫部郎中齊州刺史

張士階可祠部郎中同制

元稹可太子左諭德依前入蕃使制

盧昂量移虢州司戶長孫鉉量移遂州

司戶同制合人缺同代事京中

李石楊穀張殷衡等並授官充涇原判

官同制軍令人缺實依事兼實

李演除左衛上將軍制無戲與李嗣下

康昇讓可試太子司議郎知欽州事兼

充本州鎮遏使陳倓可試太子舍人
李知巒州事兼充本州鎮遏使李顯可
試太子通事舍人知賓州事兼賓澄
李巒橫貴等五州都遊奕使馮緒可試
太子通事舍人知田州事充右江都
知兵馬使滕殷晉可試右衛率府長
天史知灤州事兼充左江都知兵馬使
五人同制
西川大將賀若岑等一十二人授御史

中丞殿中監察及諸州司馬同制

前右羽林將軍李彥佐服闋重除本官

兼御史中丞知軍事制

奉天縣令崔鄴可倉部員外郎判度支

賈案制

翰林待詔李景亮授左司禦率府長史

陞依前行詔制

故監州防秋兵馬使康太崇贈鄧州刺

禮史制

劉總外祖故瀛州刺史盧龍軍兵馬使

姑張懿贈工部尚書制太常禮雅此陳

劉總外祖母李氏贈趙國夫人制及澄

蕭俛一子迴授三從弟伸制率孫身史

賈曠入迴鶻副使授兼御史中丞賜紫

奉金魚袋制得何食符負衣物俾與支

張峴授廬州刺史兼御史中丞制

韓公武授左驍衛大將軍制重劍本官

姚元康等授官充推官掌書記制階

揚玄諒等三十人加官制各官部慕海

李益王起杜元穎等賜爵制制自天味

王計除萊州刺史吳暉除蓬州刺史制

義武軍奏事官虞候衛紹則可檢校祕

書監職如故制

深州奏事官衛推試原王友韓季重可

兼監察御史充職制

袁幹可封州刺史兼侍御史制

華州及陝府將士吉少華二千三百三

華十五人各賜勲五轉制二千三百三
祭廼鵬可汗文

贈劉總太尉冊文

維長慶元年四月某日皇帝若曰朕聞古
有履忠仗順生而大有爲者又有功成身
退歿而永不朽者非正氣令德間生挺出
則高名大節孰兼之哉故天平軍節度使
檢校司徒兼侍中楚國公劉總降自天和
立爲人傑得君於先帝叶運於昌時纂戎

弓裘守土燕薊迨此一紀北方晏然有開
必先納欵于我沈斷大事奮揚奇謀捧幽
都四封之圖挈盧龍三軍之籍盡獻闕下
高謝人間感動君臣驚激忠義願妻子若
脫屣視富貴如浮雲惟道是從奉身以退
仲連事成而蹈滄海子房名遂而追赤松
賢明所歸今古一致朕方改授兵柄移鎮
鄆郊命作司徒倚爲左相期奮乃志將沃
朕心而天不憖遺邦失柱石夫臣戴君如

元首則君視臣如股肱股肱或虧何痛如是茲朕所以廢朝軫念備禮加恩庸建爾于上公蓋褒贈之崇重者也嗚呼爾總尚知之乎今遣使某官某副使某官某持節冊贈爾爲太尉高士傅良弼可鄭州刺史制高士勅金紫光祿大夫使持節沂州諸軍事行沂州刺史兼御史中丞騎都尉傅良弼燕冀之間紛擾之際多壘失守孤城保全介

于險中率乃麾下轉戰郊野來覲闕庭徇義滅親忘家喪于忠勤勇烈人所難能若不褒升何勸來者海沂剖竹未足報功溱洧頒條可兼觀政敬承後命無替前勞可使持節鄭州諸軍事行鄭州刺史兼御史大夫散官勳如故高士傅良弼可河北推鹽使檢校刑部郎中裴弘泰可高士傅良弼可具州刺史依前權鹽使制身勅某官裴弘泰以幹鹽之才領鹽鹵之務

管權條制動皆得宜觀其所能若有餘地
可假兼職俾之牧人而河北列城又之良
吏俗多思理政不難施亦猶凍餒之人易
爲衣食今予命爾煦而飮之襦袴之謠佇
入吾耳可兼知具用刺史臣陳史兼御史
前殿崔陵可河南尹制命無替前殿
勅河洛千里都畿在焉俾之又安屬在尹
正鳳翔隴州節度觀察處置等使正議大
夫檢校禮部尚書兼鳳翔尹御史大夫止
柱國開國男食邑三百戶賜紫金魚袋崔
陵有精敏之用潔直之操施于有政由是
知名始資州縣之勞卒致公卿之位况刺
部有理行主計無憊違尹右輔而鎮西郊
蓋獎能報勤之旨也昔吳公爲河南守謹
身廉平人服教化袁安爲河南尹政令清
肅號爲嚴明誰其嗣之無易陵者往爲袁
則勿替能名可檢校禮部尚書兼河南尹
散官勲封賜如故

清宮侯丞可霍立縣尉制而能行百餘
勅賜太常寺奉禮郎翰林待詔上護軍侯
丕夫執藝以事上奉詔而處中其於出入
謹身夙夜祇命比他局署實倍恭勤既寵
之以職名又優之以祿俸蓋先勞後食之
義也汝其承之可守壽州霍立縣尉依前
翰林待詔勲如故

太子賓客兼監察御史崔楚臣材膺瓜士
職在牙旗每祇命以奉辭必竭誠而得禮
既嘉詳敏亦念恭勤式示寵名宜遷憲秩
可殿中侍御史餘如故

王庭湊曾祖可贈越州都督祖末但
活可贈左散騎常侍父昇朝可贈禮
部尚書制

勅成德節度鎮冀深趙等州觀察處置等
使金紫光祿大夫檢校工部尚書兼鎮州

大督府長史大夫上柱國大原縣開國男
食邑三百戶王庭湊曾祖故忠武將守左
武衛大將軍負外置同正負兼試太常卿
五哥之等鬼神有知履孝敬者福祿王侯
無種仗忠信者富貴來我有列臣本於良
胤奮發而勵節許國感激而揚名顯親夫
教必有初德無不報安有收其材而遺其
本愛其後而忘其先乎是用褒崇以弘寵
澤庶使聞者起孝作忠可依前件晉公

崔群可祕書監分司東都制

勅前武寧軍節度徐泗濠等觀察處置等
使正議大夫檢校兵部尚書使持節徐州
諸軍事兼徐州刺史御史大夫上柱國賜
紫金魚袋崔群受天至寶爲國重器始自
修己移於事君輔弼藩宣不失其道及離
征鎮召赴闕庭方登道途遂遘疾恙正在
顧養之際豈任朝謁之勞誠宜許以便安
不可闕其祿食而移秩外史分曹東周加

寵優賢無易於此且有後命俟其有瘳可
守祕書監分司東都散官勲賜如故
許州長史制
勅將仕郎權知泗州長史兼殿中侍御史
賜緋魚袋董昌齡頃爲宰邑今贊郡符皆
聞約已之名每展在公之節稽其器局免
謂廉能議以稍遷用彰勲効可許州長史
兼侍御史散官勲如故
柳經李襄並泗州判官制

勅徵事郎前河南府河南縣尉柳經儒林
郎試太子通事舍人李襄等瀕淮列城泗
州爲要控轉輸之路屯式遏之師故府有
寮軍有倖選擇補署得聞於朝庭而經等
皆有所長宜當是選守臣置奏因而可之
仍加秩命用示優寵經可監察御史充泗
州團練副使散官如故襄可試太常寺協
律郎充武寧軍節度泗州兵馬留後判官
仍故名言散官勲如故

張諷等四人可兼御史中丞侍御史
監察御史同制
勅義成軍節度馬步都知兵馬使光祿大
夫檢校太子詹事兼侍御史上柱國張諷
等御史府自中執憲暨察視之官皆顯秩
也唯懷材而展効者可以授焉爾等昨領
偏師出疆赴難指蹤而去摩壘而還忠勇
勤勞宜有加獎故以憲職第而寵之可依
前件

啖異可滁州長史許志雍可永州司
戶崔行儉可隋州司戶並准赦量移

無父制

勅守袁州司馬負外置同正負啖異等有
司奉新制明舊章凡負疵瑕必需慶澤况
爾等各有才用多淹歲時譴累重輕遞從
恩貸班資遠邇率以例遷如聞進修豈忘
牽復可依前件
程執撫亡父懷信贈太保李佑亡父

景略贈太子少傅栢耆亡父良器贈
率鄭太子少保白餘盛亡父孝德贈太保
勅中散大夫檢校右散騎常侍兼右神武
軍大將軍知軍事御史大夫上柱國河東
縣開國男食邑三百戶賜紫金魚袋程執
撫父贈太子太保懷信等咸有忠勲播爲
先德悉承義訓垂在後昆故吾令臣皆乃
愛子襲弓裘而稟詩禮猶水木之有本源

將使天下之爲人子者感恩天下之爲人
父者知勸宜加寵贈以表顯揚可依前件

嚴謨可桂管觀察使制

勅漢置部刺史掌奉詔條糾文理蓋今觀
察使職耳桂林秦郡也東控海嶺右扼蠻
荒自隋迄今不故戎府地遠則權重俗殊
則理難馴而化之非才不可朝議大夫前
守祕書監驍騎尉賜紫金魚袋嚴謨嘗守
商洛刺黔巫州部縣道謚然安理是能

寬猛相濟之政撫夷夏雜居之人故也跡
其往効式是南邦况爾操行端和文學精
茂賓寺書府善於其官勉副前言佇申後
命可使持節都督桂州諸軍事守桂州刺
史兼御史中丞桂州本管都防禦觀察處
置等使散官勲如故

杜式方可贈禮部尚書制

勅生有寵祿歿有褒崇此王者所以明終
始之恩厚君臣之道也故桂州本管都防

禦觀察等使正議大夫使持節都督桂州
諸軍事守桂州刺史兼御史中丞上柱國
南陽縣開國男賜紫金魚袋杜式方慶襲
台庭任當垣翰服名教乃保家之子樹風
聲爲守土之臣盡禮事君勞心奉職奄忽
淪逝念之惻然况近屬連姻遠藩捐館聞
訃之命實悼中心贈飾之恩宜加常等俾
趨榮於八座用賁寵於九原可贈禮部尚
書仍賻布帛二百段米粟二百碩委度支

遂便支遣帛二百疋米粟二百石
武昭除石州刺史制然河朔
勅某官武昭王師伐蔡爾在行間致命奮
身挑戰當寇忠憤所感卒獲生全求之軍
中不可多得司馬以爾信直謹厚可領邊
城爾宜酬乃已知副我朝獎撫獯戎雜居
之俗安離石重困之人勉而莅之其任不
細可石州刺史
蔡麟梁希逸除蔚州刺史制

勅某官梁希逸頃為蔡將陷在賊庭知有
君臣不顧妻子率其所屬當戰陣前反旆
倒戈翻然歸我忘家之士希逸有之間從
司空再平淮右指蹤銜命皆稱所使可以
移用俾之守疆北邊列城蔚為衝要雄右
軍號務兼錢刀疇勤選能俾乃兼領宜思
來効以續前勞可蔚州刺史兼橫野軍使
并知本州鑄錢事
盧元勳除隰州刺史制

勅盧元勳乃者鎮師身喪戎師承元納款之際栢耆將命之初軍情洶然未知嚮化而元勳挺身奮臂出於衆中指明安危分別逆順顏色不撓聲氣甚厲言行事立朕甚多之雖有優升未酬義烈宜以一郡寵而旌之用勸四方聞其風者可隰州刺史

勅楊孝直除滑州長史制

勅楊孝直早以材力從戎冀方專習武經通知吏事承元移鎮孝直實來詢謀驅馳

有所裨助軍郡之佐寵秩非輕用答忠勞以明勸獎可滑州長史制

勅前丹州司馬張嘉泰一從戎旅多歷歲時奉職有勞率身無過軍部長佐資秩不卑自丹轉延頗爲優穩題輿便道往守乃官可延州長史

魏玄通除深王府司馬制

勅魏玄通有禦侮之才扞城之略服勤戎

職善守邊州訓旅牧人有可稱者夫文武
迭用出入序遷所以關才能而均勞逸也
爾宜解綬郡邸曳裾王門飾躬慎儀以奉
朝謁可依前件
勅通事舍人楊造翰林待詔某亡母等生
播徽華歿留儀範訓保家之子爲有國之
臣或相禮彤庭或待詔金馬咸居禁近率
有忠勤風樹之心必憂深而思遠蓼蕭之

澤宜自葉而流根並啓邑封各從子貴揚
名之孝與汝成之可依前件
所值張植李翱等二十人亡母追贈郡縣

夫人制

勅壽州刺史張植亡母某氏等夫忠於上
者教有所自仁於下者恩有所延孝理之
風實繇此作當今良二千石皆與朕共理
雖祿不逮養而名可顯親將慰匪莪之心
宜流自葉之澤俾從子貴咸贈邑封

宜前陳中師除太常少卿制
勅尚書吏部郎中兼侍御史陳中師早以
體物之文待問之學中鄉里選第甲乙科
及筮仕立身皆有本末不背俗以矯逸不
趨時以沽名從容中道自致問望累踐郎
署再參憲司官無卑崇事無簡劇如玉在
佩動必有聲爲時所稱何用不可朕以立
國之本禮樂爲先今之太常兼掌其事貳
茲職者不亦重乎歷代迄今謂之清選往
太常少卿

衢州刺史鄭群可庫部郎中齊州刺
史張士階可祠部郎中同制

勅某官鄭群等今之正郎班望頗重中外
要職多繇是遷故其所選不得不慎必循
名實而後命之群與士階久典名郡謹身
化下有循吏之風會課陟明宜當是選國
之大事在祀與戎一掌祠曹一司武庫各

領其要爾宜敬之群可庫部郎中士階可
祠部郎中吏之風會將起則宜當其選因
元稹可太子左諭德依前入蕃使制
勅通事舍人元稹東宮之有諭德猶上臺
之有騎省也清班優秩所選非輕朕前遣
使臣往修戎好以稹言信行敬命爲介焉
揚旌出壇反駕奔命有所啓奏多叶便宜
乃知得人可以卒事故加是命以寵勸之
可太子左諭德依前入蕃使

盧昂量移虢州司戶長孫鉉量移遂
州司戶同制
勅萬州司戶參軍盧昂等頃負疵瑕各從
譴謫或遠竄荒裔或未復班資既逢蕩滌
之恩俾及轉遷之命况聞修省以克已固
將校試而用能吾無棄人汝宜自効可依
前件
李石楊穀張殷衡等並授官充涇原
判官同制

勅李石等用武之地曰涇與原合爲一鎮
控扼夷虜朕授布鉞責其成功布乃祗惕
受命思有以自輔者因上言石穀殷衡等
學業才畫堪置幄中分務列官咸可其請
而布憂邊甚切選士必精爾宜各竭所能
爲知已用可依前件未嘗_{未嘗}資_資_資_資
李演除左衛上將軍制_制又_又_又各_各外
勅王者法勾陳設環列非勲勤之將信近
之臣則何以久張爪牙轉置肘腋者也某

官李演嘗從德宗皇帝南蒐于梁籍名功
臣謂之定難洎出分戎律入拱宸居內外
周旋不懈于位交戟之下周廬肅然今之
轉遷示益親信移領左廣仍參夏卿夫八
屯之警巡七萃之勤愷爾爲其正盡得察
之宜惜前勞無墮乃力可依前件_{前件}
康昇讓可試太子司議郎知欽州事
兼充本州鎮遏使陳俛可試太子舍
人知鬱州事兼充本州鎮遏使李顯

勅李可試太子通事舍人知賓州事兼賓
澄巒橫貴等五州都遊奕使馮緒可
試太子通事舍人知田州事充右江
都知兵馬使滕殷晉可試右衛率府
長史知灤州事兼充左江都知兵馬
使五人同制
勅容州本貫經略招討左押衙兼右廂兵
馬使康昇讓等有奉職徇公之勤有理戎
殄寇之効其帥公素上章以聞吾方念勞

爾宜受賞况容之諸郡有大小郡之兼職
有重輕量能第功分命而往噫方藩雖遠
朝聽甚卑有善必聞無功不錄吾言及此
欲爾知之爾依前供職登安帶而詣侍良
陳軍兩州大將駕若岑等之木三人授御
史東丞殿中監察及諸州司馬同制
勅丞相鎮蜀志在憂邊俾靜蕃蠻實資將
校故加寵任以責成功某官某等若干人
類例勲勞進登班秩憲官名重郡佐祿優

參以命之是爲榮獎爾宜恭承生帥慎守
封疆勳力一心無落戎事可依前件
陳丞前右羽林將軍李彥佐服闋重除奉
官兼御史中丞知軍事制
勅軍有羽林用法星象統之爪士以拱宸
居某官某前以忠勞選登戎衛而能訓勇
力之士以備時使申誰何之令以奉徼巡
夙夜祗嚴不懈于位既終喪紀宜復官常
假申執憲之名行並將軍之事勉修舊職

用副新恩可依前件

奉天縣令崔鄴可倉部員外郎判度

官心支案制

勅奉天縣令崔鄴大凡南宮郎無非慎選
者也况官之屬有堆案盈机之文有月計
歲會之課故員郎不可逾時缺不待滿歲
遷事劇才難斷可知矣而鄴自操白簡宰
赤縣繩舉違謬惠養鰥惇皆有善聲者于
官次豈能於彼而不能於此乎爾宜率廩

各佐計務決繁折滯期有可觀可依前件
翰林待詔李景亮授左司禦率府長
史依前待詔制
勅某官李景亮夫執藝事上者必揆日時
計勞績而後進爵秩以旌服勤況待詔官
闡飾躬晨夜比於他職宜有加恩官坊衛
官以示優獎可依前件

故鹽州防秋兵馬使康太崇贈鄧州

刺史制

勅故某官康太崇嘗習韜鈴夙稱拳勇使
之訓旅能叶武經使之守疆能著戎績永
言殂謝宜及褒榮俾追寵於朱轡庶知恩
於黃壤可贈鄧州刺史
劉總外祖故瀛州刺史盧龍軍兵馬
使張懿贈工部尚書制
勅故某官張懿德善者將啓後人忠孝者
克揚前烈有美必復宜其然乎而懿仗忠
履義體仁養勇學究韜略藝窮騎射負幽

燕之勁氣雖振其名有將相之長才不得
其位命屈當代慶流後昆有外孝孫爲吾
賢帥以忠許國以順克家揚名顯親自義
率祖推恩外族歸美前修俾追八座之榮
以輟九原之歎可依前件史劉總外祖母李氏贈趙國夫人制

勅李氏族茂本枝行光內則柔明繕性和
淑保身輔佐良人克諧家道訓成賢女作
相令門善積於中福延於後段公威德當

流慶於外孫令伯孝心願推恩於祖母式
遵贈典用贊德芬宜崇大國之封追正小
君之命可贈趙國夫人

勅吏部尚書蕭俛一子迴授三從弟伸制
行慶澤先及輔臣當延賞於胤嗣願推恩
於友愛厥有典例因而從之爾弟伸可
命可河中府參軍史賈隣入迴鶻副使授兼御史中丞賜

紫金魚袋制備封姓兼御史中丞
勅少府少監賈璘行人之官官必有介所
以敬王事而重國命也以爾璘稟訓台鼎
飾躬搢紳自登班行多歷年紀恪勤官次
保守令名斯可以卒貳使臣諭申朝旨宜
假憲秩仍加命服以示兼寵俾之出疆況
繼好二邦奉辭萬里副車之任選亦不輕
茲吾使能期爾復命可依前件其璽五
張岷張岷授廬州刺史兼御史中丞制左

勅廬龍軍節度判官檢校刑部郎中張岷
司徒總言爾從事於幽薊之間有年歲矣
嘗委事任備觀器用務叢而益辨職久而
彌勤頗出輩流宜加獎擢況公侯之嗣幕
府之英餘慶所鍾有才如是今以名郡寵
而任之旌善勸能仍兼中憲可廬州刺史
兼韓公武授左驍衛上將軍制左章
勅朝散大夫檢校左散騎常侍兼右金吾
衛將軍御史大夫上柱國賜紫金魚袋韓

公武我元老之令子也孝於家忠於國故
出則秉旄鉞入爲執金吾寵任益崇謙敬
彌著而勤於夙夜疾癘所侵上陳表章乞
就願養夫環衛之列心膂之臣雖親信之
寄則同而勞逸之間或異宜輟繁重俾從
便安可檢校左散騎常侍兼左驍衛上將
軍御史大夫散官勲如故而益將帥入而
戶姓元康等授官充推官掌書記制矣
勅朝散郎行秘書省秘書郎姚元康儒林

郎試太常寺協律郎鄭懿等益部涪陽皆
大征鎮也文昌全略皆賢將相也而能以
禮聘士以職任才多聞得人咸樂爲用況
爾等籌謀文藻各負所長苟能贊察廉掌
奏記孜孜不怠翩翩有聲慰薦褒升其則
不遠元康可試左武衛倉曹參軍充劔南
西川觀察推官散官如故懿可試左金吾
衛兵曹參軍充橫海軍節度掌書記散官
如故

楊玄諒等三十人加官制

勅右神策軍忻州行營兵馬使試太常卿
楊玄諒等夫材不錄則勸善之道廢勤不
賞則念功之典缺而玄諒輩凡三十人咸
列禁戎遠從征討臨難有身先之勇奔命
無道弊之勞宜以祿秩酬其忠効所謂材
不失選賞不逾時亦欲使爲善者不疑有
功者速勸也可依前件資深賜爵制

勅李益等去年春朕以陵寢事大哀惶疚
心而益等齋慄奔走各率其職俾予孝道
刑于四海何嘗一日而忘之耶因命有司
舉常典凡爵之高下視執事之重輕有司
亦能遵我成命第而次之進給益封無有
不當由益而下爾宜欽承可依前件此上
命王計除萊州刺史吳暉除蓬州刺史
不聞制同外益等

勅王計等咸以材略載筆從軍藝學智謀

需然足用多歷年紀備嘗艱危進退周旋
不聞失道司徒弘正詳奏以聞因以竹符
分命試吏而萊蓬二郡各介一方牧人者
但不擾其心不奪其力則雖華夷南北土
物不同皆可以自足自遂矣宜用此道往
安養之可依前件下野將軍之重歸休
陳于義武軍奏事官虞候衛紹則可檢校
以而秘書監職如故制率其郡
勅某官衛紹則服勤藩鎮敷奏闕庭奉主

帥之表章達軍府之情狀嘉其忠効宜可
褒升俾洽新恩用充舊職可依前件

深州奏事官衛推試原王友韓季重
可兼監察御史充職制今

勅某官韓季重上將臨戎陪臣將命詳其
奏報頗盡事情特加寵章用獎勞効王官
憲職以示兼榮可依前件

表幹可封州刺史兼侍御史制
勅安南兵馬使封州刺史兼監察御史表

幹委質藩方悉知戎旅嘗驅寇盜累著功
勞故命遷領郡符超升憲簡足以安荒俗
耀遠人敬而承之無替前効加封州刺史
奏拜華州及陝府將士吉少華二千三百
餘人各賜勲五轉制命轉制
勅某官吉少華等距河重鎮分陝近藩俾
遏寇虞實資士旅勞既同力賞宜徧行次
第其名書于勲籍可各賜勲五轉
祭迴鶻可汗文

維長慶元年歲次辛丑月日皇帝遣使朝
議大夫檢校右散騎常侍兼少府監御史
大夫雲騎尉賜紫金魚袋裴通致祭于故
愛登羅汨沒蜜施毗伽保義可汗之靈奧
以英武之姿雄奇之策撫有九姓制臨一
方氣吞諸戎名播上國沉能嚮風納款繼
好息人代爲親鄰歲入職貢方賴威略共
清寰瀛倚爲長城永固中夏而天殲驕子
國喪名王奪氣色於陰山實精光於昴宿

前穀熟縣令李季立授奉天丞兼監察

御史充廻鶻使判官制大夫等備

李懷金等各授官制妻及一人並姪蔡

王日簡可朝散大夫德州刺史制

薛元賞可華原縣令制十八人吹大夫

王承林可安州刺史制等對備

嚴綬可太子少傅制女式婿魏常對兼

源寂可安王府長史制五十五並

白鄭枋可河中府河西主簿制

喬弁可巴州刺史制

薛戎贈左散騎常侍制長將餘四對兼

辛弁文可淄州長山縣令制

知汴州院官侍御史盧濛可檢校倉部

將負外郎陝府院官盧台可兼侍御史

鄭滑院官李克恭可試大理評事獨

孤操可衛佐並依前知院事同制

王智興可檢校右散騎常侍兼御史大

夫充武寧軍節度副使領本道兵馬

赴行營制軍
田群可起復守左金吾衛將軍
兼澶州刺史制
楊於陵母亡祖母崔氏等贈郡夫人
邵同賤連州司馬制
鄭公遠可陝府司馬制
劉泰倫可起復謁者監制
王師閔可檢校水部員外郎徐泗濠等
喬州觀察判官制

薛從可右清道率府倉曹制
義武軍行營兵馬使高從政等五人河
東節度行營兵馬使傅義等二十四
人並破賊可御史大夫中丞侍御史
故奉天定難功臣試殿中監陳日榮等
十二人可贈商鄧唐隋等州刺史
段斌宗惟明等除檢校大理太僕卿制

戶部尚書楊於陵祖故奉先縣典簿楊
冠俗可贈吏部郎中於陵奏請廻贈

制士十八更無商澄言罰等此陳史

故光祿卿致仕李恕贈右散騎常侍制
劉悟妻馮氏可封長樂郡夫人制

夏州軍將二人授侍御史制
日試詩百首田夷吾曹璠等授魏州充

美州縣尉制

衛佐崔蕃授樓煩監牧使判官校書郎

林李景讓授策畿防禦巡官制

李愬李愿薛平王潛馬摠孔戢崔能李

諱翱李文悅咸賜爵一級并迴授男同

可制制

故兵部尚書致仕杜羔贈右僕射制

幽州兵馬使劉悚除左驍衛將軍制

前幽州押衙瀛州刺史劉令璆除工部

尚書致仕制

盧象等除御史評事制

張偉等一百九十八除常侍中丞賓客

詹事等制陸部郎中於陵奏請廻贈

梁璠等亦各除范陽管内州縣尉

幽制兵部郎中武翊謙將軍師制

渤海王子加賓制兵部郎中武翊謙

石士儉授龍州刺史制史制

韓萇授尚輦奉御制言始於此

孟存授成都府少尹制此其始也

杜元穎等賜勳制此其始也

商州壽州將士等賜勳制

內侍楊志和等授朝散大夫制

內侍常趙弘亮加勳制

烏行初授衛佐制

烏重胤妻張氏封鄧國夫人制

京兆尹盧士玫除檢校左散騎常侍

兼中丞瀛漠二州觀察等使制

勅夫疆理天下壤制四方乘時省置何常

之有故方隅未寧務先經略則專委方伯

以摠統之及兵革甫定思弘風化則並命
連帥以分理之朕常以幽薊一方環封千
里延袤廣莫專制實難屬元改轅新帥進
律因而制置以叶便宜蓋王者弛張變通
之要也京兆尹盧士攻爲人端和爲政寬
簡自尹京輦人甚便安今司徒總籍甚爾
名叶從人望河間列郡乞委士攻因而可
之必易爲理況新造之府經始之政勞俸
安輯是爾所能俾珥左貂兼執中憲寵任

不細勉哉是行可依前件

武寧軍軍將郭暈等五十八人加大

夫賓客詹事太常卿殿中監制

勅某官某頃以齊寇發狂出師致討武寧

裨將五十八人雖有元戎指蹤制勝實由

衆校同心許國合力成功宜以憲秩儲寮

寺卿府監舉申賞典用益勲庸可依前件

中父贈僕射蘇兆男三人妻兄一人並被

蔡州誅戮各贈太子贊善大夫等制

勅故某官男某等淮寇之起爾陷其中能
守父訓不失臣節竟遇蠶蠶並爲鯨鯢
將死而心傾劔雖埋而氣在毒延禦侮禍
及維私將賁幽魂宜追寵命俾贈青宮之
秩用申赤族之冤可依前件錄其王士則除右羽林大將軍制詰
勅羽林所設上法星文軍衛之中號爲雄
重稱茲選任不易其人左驍衛將軍王士
則勲戚之家義方之子發身學劔餘力知

書早踐班榮累叅環列職近而身彌檢慎
任久而心益恭勤卑以自居勞而不伐況
一備禁衛四爲偏將滯於久次宜有超升
俾領上軍仍遷右廣統良家之騎士訓期
門之材官寵任不輕無墮於事可右羽林
軍大將軍公著各錄
前穀熟縣令李季立授奉天丞兼監
察御史充迴鶻使判官制兼命
勅某官李季立蕃國通聘使臣告行上請

屬寮同役王命以爾常爲今長頗有幹能
加之恪恭可備選擇假威憲職兼命邑丞
足示優榮勉勤任使可依前件天丞無盟
平大李懷金等各授官制

勅博野鎮都虞候殿中監李懷金等戮力
戎行叶謀王事旣展扞城之効彌彰奉國
之心不加寵榮何勸忠勇敬授爵命勉思
令圖可依前件天丞無盟

王日簡可朝散大夫德州刺史制勅

勅前代州刺史代北軍使王日簡吾聞任
有才則事集獎有勞則功勸以日簡嘗爲
代守軍睦人安旌効所能可居要地是用
超登階級遷領郡符勵精壹意其聽吾言
夫主憂則臣勞時危則節見今寇戎暴起
封域未寧是忠臣奮奇謀烈士展殊効之
貞也朝立功而夕受賞汝其念之哉可德
州刺史天丞無盟

薛元賞可華原縣令制天丞無盟

勅前大理丞薛元賞旬服之制也樹以尹
正承以令長上下有統而理化行焉以元
賞前爲廷尉丞察獄評刑頗聞敬慎寺卿
奏課邑宰缺負故移欽恤之心使布惠和
之化上承爾長下字吾人無或越思而垂
統理可華原縣令孫孫孫壹意其職吾言
王承林可安州刺史制制要此具用
勅安陸古鄖國矣余崩漢之間承軍旅之
後宜得謹良長吏以養理之也前相州刺

史王承林比刺安陽勤修其職錄勞獎善
故申命焉况爾生勲伐之家早階寵祿宜
自修立以光大其門爾當思勤儉以檢身
務廉平以臨下率吏用禮勸人歸農勿慎
勿佻一遵吾之約束可安州刺史

嚴綬可太子少傅制

勅東朝保傅歷代尊崇漢擇名儒任先疏
廣晉求耆德選在山濤實資六傅之賢用
弘三善之道檢校司徒兼太子少保嚴綬

文雅成器恭謙致用出領重鎮以帥諸侯
入爲具寮以長卿士歷踐中外備嘗艱虞
殆三十年勤亦至矣况理心以體道知命
而安時是謂教誨之人可領調護之任由
保遷傳爾其敬之可太子少傅

源寂可安王府長史制

勅義成軍節度判官檢校兵部員外源寂
早膺慰薦累展才能謀畫有終恭勤無怠
守臣推善列狀升聞可使東帶立朝庭曳

裾遊藩邸得從賓佐入補王宮

士林鄭枋可河中府河西主簿制

勅鄭滑觀察推官試太子通事舍人鄭枋
名列士林職參軍府修身無闕從事有勞
既展効於即戎宜試能而補吏俾之糾邑
庶有可觀可依前件

喬弁可巴州刺史制

勅權知巴州刺史喬弁前假竹符俾臨巴
郡一意爲理三年有成州人借留廉使置

奏既因會課宜及陟明九仞之功無虧一
簣無忸真授而怠初心可巴州刺史

薛戎贈左散騎常侍制

勅夫有名於時有勞於國盡忠以事上遺
愛而及下則必生享寵祿歿加褒崇所以
旌善人而勸來者故浙東觀察使越州都
督兼御史中丞薛戎挺英於冠族擢秀於
士林凡踐官榮皆著聲績及授符節委之
察廉自江而東政成人又老而將智病且

知終方覲闕庭而捐館舍是用廢朝軫念
加賻申恩俾增九原之光追備八貂之列
可依前件

辛弁文可淄州長山縣令制

勅趙州臨城縣令辛弁文既有英材又知
臣節遁逃寇難奔走道途言念忠勞宜加
恩獎俾換銅墨移宰長山可依前件

知汴州院官侍御史盧濛可檢校倉
部員外郎陝府院官盧台可兼侍御

史鄭滑院官李克恭可試大理評事
獨孤操可衛佐並依前知院事同制
勅鹽鐵官漕運職小大遠邇羅布於四方
自丞相播兼領以來而撮大綱覆群吏職
以能進能秩由課遷法無僭差人有懲勸
今台濛克恭操等咸當是舉分命以官勉
副已知無忝成命可依前件

王智興可檢校右散騎常侍兼御史
大夫充武寧軍節度副使領本道兵
命安馬赴行營制尚書狀外更無餘事
勅沂州刺史御史大夫王智興李愿李愬
之鎮武寧地汝爲裨將勵節忘身濟成大
功汝實有力獎其誠効擢授郡符海沂之
間文著聲績宜加新命以寵舊勞仍提銳
師往副戎律夫將之撫衆如子弟則衆之
視將如父况苟推赤心而無疑必蹈白刃
而不悔勉親士卒佇翦寇戎可依前件
因群可起復守左金吾衛將軍員外

置兼澶州刺史制金吾衛將軍實
勅前去武衛將軍田群忠謹立身韜鈴嗣
業自參戎衛尤見恭勤而燕薊之間澶爲
要郡公侯之後群有令名俾分符竹之榮
佇濟弓裘之美宜奪情禮起而用之
如也揚於陵母亡祖母崔氏等贈郡夫
命安可廢耶戶部尚書楊於陵亡祖母崔

氏等風範有初光塵未昧發揮婦道標表
母儀施及孝孫陟于高位夫蘊德者垂裕
于後揚名者光昭其先俾彰積慶於中故
許推恩而上各從寵贈用顯貽謀可依前
件

邵同貶連州司馬制

勅朝議大夫守衛州刺史兼御史中丞邵
同寵在專城職當守土不承制命擅赴闕
庭違越詔條叛離官次將懲慢易宜舉憲

章可連州司馬仍馳驛發遣

鄭公遠可陝府司馬制

勅朝議郎守原王府長史上柱國賜緋魚袋鄭公遠衆推士行時許吏才自列班榮尤彰恭恪夙夜匪懈春秋已高宜罷曳裾之勤往贊坐棠之理是爲優秩用答令名可守陝州大都督府右司馬散官勲賜如故

劉泰倫可起復謁者監制

勅朝議郎前行內侍省內謁者監上柱國賜紫金魚袋劉泰倫古者有中涓謁者皆侍奉親近之臣也今之寵秩亦由舊焉況泰倫有行藝可以飾身才幹可以掌務監臨內署朝請中闈謹密端和甚宜厥職久於其事無之實難宜加進秩之恩仍舉奪情之典勉承獎任勿替初終可起復朝議大夫行內侍省內謁者監王師閔可檢校水部員外郎徐泗濠

等州觀察判官制將負公將斜四
勅前徐泗濠等州觀察支使朝議郎殿中
侍御史內供奉上騎都尉賜緋魚袋王師
閔朕以師律授智興智興以軍書辟師閔
才既爲知己用官不俟滿歲遷所以使能
而責理也然則贊廉察安戎旅旣命之後
吾有望於爾焉勅副所從佇展來効可檢
校尚書水部員外郎兼殿中侍御史充徐
泗濠等州觀察判官勲賜如故

薛從可右清道率府倉曹制

勅三品子薛從惟汝父平守吾藩鎮能以
忠力殄寇安人疇庸旣以啓封延賞亦宜
及嗣勲承義訓無忝寵章可朝散郎行右
清道率府倉曹參軍

大業義武軍行營兵馬使高從政等五人
左之河東節度行營兵馬使傅義等二十
餘人並破賊可御史大夫中丞侍御
史制

勅古者賞不逾時所以勸勲庸也。雖有加等所以激忠勇也。而某官高從政等以義武之師統晉陽之甲前蹈白刃中推赤心大摧賊徒連告戎捷超榮速賞爾實當之。故視軍功遞遷憲秩破竹之勢其思有終可依前件。奏請無不請宜河解婚羽許

故奉天定難功臣試殿中監陳日榮等三十一人可贈商鄧唐隋等州刺史。史制可也前並奉天會曹師

勅春秋崇褒善之義國家厚追榮之寵其身歿而名不殞時去而恩未及者大司馬得稽勲籍舉而行之。故某官某等凡十二人按狀徵書宜加寵命飾終之典其可廢乎可依前件。

前兼段斌宗惟明等除檢校大理太僕卿勅義武軍節度都押衙兼侍御史段斌衙前虞候檢校太子賓客宗惟明等寇虞未

平將校方用宜以爵賞勸其忠勞而斌奔
命獻俘惟明奉章告捷各勤乃事咸造于
庭並加寵榮以示優獎斌可試太僕卿依
前兼侍御史惟明可檢校大理卿餘各如
故下外備料入籍戶部尚書楊於陵祖故奉先縣主簿
科著楊冠俗可贈吏部郎中於陵奏請廻
良奴贈制不嚴制去而恩未及者大司馬
勅故某官楊冠俗貽厥孫謀垂裕後世揚

其祖美不忘先也以冠俗之棲遲下位道
屈於時以於陵之光大其門慶鍾于後生
不逮事歿有追榮宜加義率之心用舉節
終之典可贈吏部郎中命何徒身樂
因故光祿卿致仕李恕贈右散騎常侍
妻制制勅故某官某國老之子藩臣之兄嘗列棘
以承家竟懸車而捐館生加爵寵歿及褒
榮茲惟舊章用慰幽窆身樂

劉悟妻馮氏可封長樂郡夫人制
勅古者有策名命婦賜號夫人蓋積善於
閨門而受封於國邑也澤潞節度使劉悟
妻馮氏傳芳茂族作合良臣成此忠貞之
功因於輔佐之力禮從夫貴慶叶家肥俾
開大郡之封以正小君之命可封長樂郡
夫人

夏州軍將二人授侍御史制
勅某官某等早稱武藝久隸軍麾稟命元

戎服勤王事或千里移鎮從爲紀綱或十
乘啓行倚爲肘腋歷年月積成勤勞不
加寵榮何勸忠効並命憲職宜敬承之並
可兼侍御史餘如故

日試詩百首田夷吾曹璠等授魏州

兖州縣尉制

勅乃者魏兗二師以田夷吾曹璠善屬文
貢置闕下有司奏報明試以詩五言百篇
終日而畢藻思甚敏文理多通賢候薦延

宜有升獎因其所貢郡縣各命以官而倚
馬負外衣錦歸去以文得祿亦足爲榮可
依前件依前件衛佐崔蕃授樓煩監牧使判官校書
郎李景讓授東畿防禦巡官制依前件
勅某官崔蕃等咸因文行自致班序或佐
衛蘭鐙或典校蓬山各從所知將展其用
夫司牧垆野備禦都畿所以班馬政而遏
寇虞也茲皆重務爾勉贊之可依前件

李愬李愿薛平王潛馬摠孔戢崔能
李翱李文悅咸賜爵一級并迴授男
爵依前件

勅封爵之設在乎賞勸有以褒德有以序
勤聳善興功實由茲道而某官李愬等或
望崇台鼎或委重旌爰及藩條共分憂
寄有勞於事無怠于心宜疏爵以啓封許
推恩而及嗣祗受厥命永孚于休可依前
件

故工部尚書致仕杜羔贈右僕射制
勅故某官杜羔生於士族發爲公器敦厚
孝友本乎天性文學政事出於餘力自立
朝右藹然素風司諫平刑駁議廉問凡所
踐歷不懈于位以年致政以疾就第出處
進退皆叶時中遽此淪謝惻惻興念夫生
有榮祿歿有寵贈所以極君道厚時風亦
望人有始卒之義也宜追端揆以申褒飾
猶有精爽知吾不忘可贈尚書右僕射

幽州兵馬使劉棟除左驍衛將軍制
勅某官劉棟夙負氣槩早習騎射才推燕
趙之士學究孫吳之書加以忠厚可當任
用况有令弟爲吾信臣節著艱貞情鍾友
愛夫寵寄於外莫重於藩垣委任於中莫
親於禁衛加此一職寵示二人豈不爲榮
季出叔處可左驍衛將軍
前幽州押衙瀛州刺史劉令璆除工
部尚書致仕制

勅某官劉令璆勲伐之家弓裘之嗣嘗修
戎職亦領郡符迨此遲暮知有止足夫壯
而奮發以忠事國老而知退以道安身人
所難能理宜嘉尚俾超崇秩以寵高年可
工部尚書致仕莫重然勳委於中莫
盧衆等除御史評事制曠貞靜並文
勅幽州節度判官盧衆等幽薊重鎮盧龍
舊軍是吾北門委在上將實資寮佐以濟
謀猷爾等或參務戎旃或專司奏記俱因

事任各展才能而御史府官庭尉寺吏用
申褒獎以勸忠勤勉奉元戎佇成嘉績

張偉等一百九十人除常侍中丞賓

客詹事等制

勅盧龍軍押衙兵馬使什將隨軍某等夫
爵賞行於上則忠勞勸於下有國之典其
可廢乎吾思薊師自將及吏合聚衆力鎮
寧一方縣以歲年積成勤効今以朝右貴
秩官坊清班舉爲寵章用申酬獎

白集三十五
梁璩等六人除范陽管内州判司縣尉制以徵丰贄以應效令必歸古貴
勅盧龍軍節度要藉梁璩等咸以幹能早膺任使各參軍要同濟戎功言念恭勤宜加優獎郡掾邑佐分而命之仍兼舊職勉申來効可依前件

渤海王子加官制入加官許中丞元勅渤海王子舉國內屬遣子來朝祗命奉章禮無違者夫入修職貢出錫爵秩茲惟

舊典舉而行之

石士儉授龍州刺史制

勅石士儉東川帥涯上言士儉久習武藝兼通吏事可使爲郡責成其功吾聞江油巴夷雜處勿以遐陋而忘緝綏奉法愛人無負知己可龍州刺史以特報亦出質姿
韓萇授尚輦奉御制入制奉御各歸勅韓萇局分六尚職奉七輦茲惟優秩列在通班以爾立身頗恭守事甚謹宜有所

白集三十五
三十一
獎可升於朝可尚輦奉御等官宜亦
陳韓孟存授成都府少尹制茲對
勅孟存嘗參劇務亦牧疲人咸有能名得
於主師三蜀征鎮屯于成都雖有忠賢委
爲尹正至於贊修庶務通統諸曹承而貳
之實資亞理勉勤厥職無累所知可成都
府少尹

杜元類等賜勲制
勅中書舍人杜元類等有位於朝有勞於

事不加慶賜何勸恪勤宜各策名列于勲
籍可依前件

商州壽州將士等賜勲制

勅某官某等大勲者所以馭貴叙勞亢身
庇族非因大慶不降殊恩爾皆委質從軍
服勤事國宜按勲籍分而賜之可依前件
內侍楊志和等授朝散大夫制

勅楊志和等咸分要職列在內司慎靜檢
身恭勤守事宜以章綬命爲大夫佩服寵

光爾無失墜可依前件

內侍常趙弘亮加勳制

勅內侍常趙弘亮等列名禁籍祗命官闡
多歷歲時積成勞効宜加勳賞以洽恩榮
可依前件

烏行初授衛佐制

勅烏行初重胤之子早稟義方詩禮弓裘
式聞不墜賞延之典本勸忠勳環衛之官
兼資慎擇非唯父任亦以才升可左衛曹

參軍

烏重胤妻張氏封鄧國夫人制

勅古者夫爲大夫則妻爲命婦况在小君
之位未加大國之封豈有唯廢徽章抑亦
無勸忠力也某官某妻某氏以鴈鳩之德
作合邦君輔成勳猷馴致爵位雖從夫貴
未授國封今以南陽本邦善地錫爲湯沐
加號夫人茲乃殊榮足光閨闈可封鄧國
夫人

